



Puiguttoorneq puigornerunngitsoq

Mild Cognitive Impairment MCI (puiguttoorneq)

Inuppasuit utoqqaliartornerminni suleriaasaat kigaalliertortarpoq nutaanillu ilinniarniarneq sivilunerulerajulluni. Taamaattumik utoqqalinermi allannguutit puiguttoornermullu ersiutit immikkoortikkuminaapput.

Ernumassuteqarnermi, ilungersualernermi imaluunniit nikallunganermi puigutuunngorsinnaaneq imaluunniit ataatsimut isiginnissinnaajunnaaneq nalinginnaavoq. Tarnikkut peqqinnerulerneq peqatigalugu pitsaanerulerajuppoq. Eqqaamasinnaannginneq imaluunniit ataatsimut isiginnissinnaannginneq ajornartorsiutaaginnarpat, qanigisallu tamanna malugippassuk, puiguttoornerusinnaavoq.

Puiguttoorneq sunaana?

Puiguttoornermi allannguutit, soorlu qangatut eqqaamasinnaannginneq, utoqqalinerinnarmik nassuiarneqarsinnaanngilaq. Puiguttortoq puigornermik nappaateqanngilaq, puigortunngorsinnaanerali aarlerinarnerulluni.

Akulikissusaa

65-ileereersimasut 12-18 %-iisa puiguttortuunerat, innuttaasunik misissuinerit takutippaat. Assersuutigalugu innuttaasuni utoqqaat 3-4 %-innaat puigornermik nappaateqarput.

Ersiutai

Puiguttortuni puigutuneq ajornartorsiutit nalinginnaanerpaavoq. Makkuli aamma ajornartorsiutaasinnaapput:

- Aallussiniarneq
- Ataatsimut isiginninniarnaq
- Ajornartorsiutinik aaqqiiniarneq
- Oqaatsinik suullu aqqinik eqqaamaniarneq
- Aqqutissarsiniarneq
- Kisitsiniarneq

Inuk puiguttortoq ulluinnarni suliarisartakkanik nalinginnaasunik suliaqarsinnaavoq. Aatsaalluuna sungiusimangisanik paasilertorumaatsunillu suliaqarnermi ajornartorsiulersartok. Tamakku tassaasinnaapput ilaqutariinni nalliuttorsiortitsinissat annertuut aaqqissuunnissaat imaluunniit naatsorsuutit paasisinnaanissaat.





Puiguttoorneq puigornerunngitsoq

Nappaammut ersiutit siusissukkut qulaajaaviginissaat pingaaruteqarpoq

Nappaatit ilaat puiguttoorneq imaluunniit puigortunngulernermut assingusunik ersiuteqartarput. Taakku tassaasinnaapput timip sulineranut atatillugu nappaatit, nikallunganeq imaluunniit tassanngannaq eqqissiveerunneq paatsiveerunnerlu (delir). Nappaatit nakorsarneqarpata eqqaamasinnaanermut ajornartorsiutit peerutissapput. Nakorsaatinik kukkusumik atuineq puiguttoorneq assingusunik ersiuteqartoqalersitsisinaavoq.

Misissuinerit

Puiguttoorneq pasitsaassinnermi nakorsap nappaammut ersiutit timikkut nappammik imaluunniit nikallunganermik pissuteqarnerannik misissuineq aallarniutigeqqaarajussavaa.

